

ANNO = 1771.

10.

65 Livonia perfide eruentata

Sive

De hostili subdolaq;

COPIARUM SAXONICARUM

in Livoniam irruptione

Repræsentatio

Æquis rerum æstimatoribus ad Censoriam tru-
tinam proposita.

Anno MDCC.



an. 65295.



Redidisset Orbis Christianus, extintis nuper ac sotiris flagrantissimis in Europa bellis, se fruiturum aliquamdiu tranquillitate Divinitus concessâ, nec quenquam inter Christianos Principes pacis ac quietis tam facile fore impatientem, ut vel inanis aviditate gloriæ, vel præpostera proferendi imperii cupidine publicam salutem mallet in discrimen adducere, quam ad resarcendas tenues ruinarum reliquias, & ad refovendas populorum Christianorum vires, diuturnis bellorum & aliorum funestorum casuum calamitatibus graviter afflictas & attritas, piam ac gloriosam conferre opem. Sed expectatis contraria evenisse docuit repentina illa & velut ex insidiis coorta Copiarum Saxoniarum e Polangia & Curlandiâ in Livoniam præterito mense facta irruptio, eousque progressa, ut ad ipsam provinciæ Metropolim,, Rigam, infesta protinus admota sint signa, ea spe & animo, ut Urbs inproviso territa tumultu, & adversus hostiles insultus, ut putabatur, non satis instructa, subito impetu per astum interciperetur. Hostilia quævis per omnem circa regionem patrata, munimenta quædam per vim oppugnata, cæsi captique Sveci milites, direptiones, expilationes, violentiæ ubique exerceri cœptæ, subditæ atque incolæ ad perfidiam ac perjurium in legitimum Regem ac Dominum committendum sollicitati vel adacti, nihil denique omissum, quod non acerbi & flagrantis belli referret imaginem.

Incredibile primum visum, Regis Poloniæ voluntate vel jussu hæc fieri, cum nec à candore tanti Principis, nec à justitiâ ac æquanimitate, nec à prudentiâ ac publici bo-

ni haec tenus testata cura talia expectari potuerint; Quo enim tempore crebris contestationibus, institutis etiam (quod certis compertum est documentis) de ineundo ad mutuam utriusque Regni defensionem ac securitatem, fædere tractatibus, sinceræ amicitiae cultum profitebatur, tam profundâ dissimulatione hostilia agitari quis præsumeret? Inter prima quoque motuum horum initia tanto remotior erat à Rege ipso omnis sinistra suspicio, quod officialis Regii Flemmingii vulgabantur literæ ad Regem suum eo sensu perscriptæ, quasi privato ac proprio ipsius ausu hæc essent patrata, sumpto prætextu, quod de apparatu quodam bellico, in Livonia ad periculum Lithuanie adornato, aliquid inaudiisset, hinc se commotum ad averterendum discrimen, quod locis sibi commissis immineret, in Livoniam irruisse. Ridebatur inconsulti hominis absurdâ excusatio, quâ ad invadendam Livoniam, adeoque ipsam obsidendam Rigam, formidine intentati sibi periculi se impulsum causabatur, cum tamen nullum agmen adversum in toto isto itinere obvium sibi habuisset; necessitate potius quâdam tueri se potuisset, quod copias illas, quas nec Saxonia diutius alere, nec in visceribus suis Polonia tolerare, nec Curlandia admittere vellet in agrum, Livonicum extrusisset. Sed postquam Rex eodem fere prætextu apud alios Principes ac status ad incrustandum hoc factum uti sustinuit, obstupuit orbis ad atrocitatem rei, quâ summum humani generis bonum, publica fides & pæctorum sanctimonia, nullâ lacessente causa, nullâ præviâ denunciatione, nullo cujuscunque similitatis ac offensæ edito indicio, perniciose prorsus exemplo, temerata essent. Indignitatem autem rei non parum hoc auget, quod consiliorum ac conatum horum autores nonnulli ē Livonia perfugæ fuerunt ac perduelles, præcipue infamis quidam

193.

quidam eorum Antesignanus, Johan Reinhold Pattkull,
qui pœnam suis flagitiis dignam vix effugerat ob popula-
rium animos ad seditione concitatos; Hic pravis ac ne-
fariis suggestionibus & commentis facem ad excitandum
funestum hoc incendium, testante famâ publicâ, præter
cæteros, per diversas orbis oras circumtulit; Nusquam
tamen artibus ejus aditus patuit, nisi in Anlâ Saxonîcâ,
postquam illa ad vasta destinata aspirare cœpit, & Consul-
toribus pessimis patulas aures præbere. Longè alia mens
erat Romani Exercitus Ductori, inclyto illi Camillo, qui
Faliscorum proditorem ad se venientem his verbis exce-
pit; *Non ad similem tui scelus ipse cum scelito munere venisti;*
Nobis cum Faliscis per pacta societas non est; Quam ingeneravit
natura, utrisque est. Sunt & belli, sicut pacis jura, justeque ea
non minus, quam fortiter didicimus gerere; Arma habemus ad-
versus hostes, qui nec læsi nec lacefitti à Nobis castra Romana oppu-
gnarunt. Eos quantum in te fuit, novo scelere vicisti. Ego Roma-
nis, id est, honestis artibus rem agam. Mox nudatum vincum-
que hominem virgis verberibusque cæsum, in Urbem re-
troagi iussit; Sic Corvus hians delusus, Imperator veram
& mansuram ad omnem posteritatis memoriam, adeptus
est gloriam, qvam Vir Sanctus & sapiens sciebat non nisi
salvâ fide & integrâ dignitate parari. Qvo inconvenien-
tius fuit dictos illos è Livonia Ipersugas ac perduelles
in confortium consiliorum asciscere vel admittere, præ-
fertim ob communem Regum omnium, præcipue Chri-
stianorum, inter se nexum, & sacro sanctæ illius dignitatis
& supremi fastigii mutuam reverentiam conservandam.

Sed quid multis hic agere attinet? Nam si penes
eos, qui fomitem hujus incendii alunt, aliqua adhuc fidei
famæque cura, si quis honesti intellectus, si denique pu-
dor supereft, dubitari non debet, qvin læsis satisfactionem
præstituri sint; sin vero hæc illis levia videri
cæpe.

134
cœperunt, eventus quidem armorum incertus est; Sed hoc longè certissimum, omnes ubique mortales apertissimè cognituros esse, non ullâ juris aut æqui specie, non ob acceptas injurias, quod ne ipsi quidem audent prætexere, sed sola ambitione & alieni appetentiâ, nullâ Divini humanique juris reverentiâ, ad hanc vel barbaris gentibus pendam bellandi licentiam concitari.

Causa tamē hæc ab ipsa Serenissima Republicâ Polonâ omnino sejungenda est, quæ pacificationem Olivensem jam tot per annos constanter ac religiofè servavit, nec in Ejus præjudicium quicquam admitti passa est, satis gnara, propriæ ipsius securitatis ac libertatis munimenta eadem contineri, quibus rescissis variis fortunæ vicibus exposita erit nobilis illa Europæ portio, & generosa Christiani orbis propugnatrix. Nec fugere eam poterit, quid futurum sit, si Rex hinc potitus Livoniâ, illinc è ditioniuus suis Germanicis incumbens, velut vincitam compedibus teneat Rempublicam, eique intentet, quæ nunc in innoxios vicinos, & nihil tale merentes torquentur, tela ac fulmina. Pacificatio porro Olivensis una est è præcipuis tranquillitatis publicæ sanctionibus ac firmamentis, ob mutuam paciscentium eadem comprehensorum, æquè ac Galliarum Regis Christianissimi, tanquam Conciliatoris ac Mediatoris in hoc arduo & præclaro opere, guarantiam & evictionem, tam valide fanicitam ac promissam, ut convelli non possit absque convellentium exitio.

Quod ut cuivis tanto promptius elucescat, animoque obversetur, quid circa hæc pacta tuenda sui sit officii, integrlos articulos 35. & 36. hic attexere juvat. Sunt autem hujus tenoris.

Arti-

Articulus XXXV.

§. 1. Quò firmior, & securior Pax hæc coalescat, & ab omni parte intemerata duret, promittunt supramemoratæ partes Paciscentes omnes, tam Principales, quam foederatæ, se hanc Transactionem & Pacem, omnesque ejus Articulos, capita & clausulas sancte & inviolabiliter servare velle & debere, & ne in posterum violari queat, se invicem ad Generalem Guarantiam & Evictionem mutuam ac defensionem reciprocā, omni ex parte obstringunt; Hisce quam fieri potest, firmissimè spondentes, ut si contingat, unam partem ab alterā, vel plures à pluribus, terrā vel mari, bello contra hanc Pacificationem impetri, aggressor ipso facto pro infractore hujus Pacis ab omnibus habeatur, ejusdemque beneficio excidat, & tum altera reliquæque paciscentium Partes Parti læsæ, ad summum intra duos menses à requisitione partis læsæ, Eidem communibus armis assistere, & bellum tamdiu contra aggressorem prosequi, donec Pax communi omnium partium consensu restituta fuerit, invicem teneantur.

§. 2. Si vero contingat, unam Partem ab altera, vel plures à pluribus gravi aliquā injuriā, citra

citra tamen vim armorum vexari, non licebit ideo
Læso ad arma subito recurrere, sed ante amica-
bilis componendarum hujusmodi Controversia-
rum ratio ineunda erit, videlicet, ut læsus accepta
injuriā, si immediate cum lædente convenire ne-
queat, alios pacifcentes moneat, & Commissio
generalis omnium Pacifcentium nomine institua-
tur ad læsi confinia, intra spatum quatvor men-
sium, in quo inter Deputatos utrinque Commis-
farios negotium discutiatur, & si possibile erit,
intra quatuor ad summum alios mēses termi-
netur.

§. 3. Si vero lædentem refractarium ad æ-
qua, quæ proponentur, media deprehenderint,
tunc læsis licebit, facta tamen prius legitimā belli
denunciatione, jus suum armis prosequi, & bel-
lum, ut supra statutum est, Lædenti inferre.

§. 4. Quod si verò turbationes vi contrari-
isque actibus retundantur, solummodo tuendo-
rum limitum causā, actus ejusmobi pro violatio-
ne Pacis non reputabuntur; ipsa autem super li-
mitibus Controversia citra vim armorum termi-
netur.

Arti-

Articulus XXXVI.

Cum autem pro majori securitate hujus Pacificationis tam Serenissimus ac Potentissimus Rex Sveciæ, quam Serenissimus & Potentissimus Rex & Respublica Poloniæ, quam Serenissimus Elector Brandenburgicus postulaverint, ut Serenissimus ac Potentissimus Princeps ac Dominus, Dn. LUDOVICUS XIV. Galliarum & Navarræ Rex Christianissimus, cuius ope ac studio inter præmemoratos Serenissimos Reges, & Serenissimum Electorem Brandenburgicum Pax promota, & mediatione ad optatum finem perducta est, executionis & observationis illius inter eosdem Fidejussor existeret; Sacra Majestas Christianissima postulationibus ac votis illorum annuens, eodemque animo Pacis hujus perpetuitatem exoptans, quo eam procuravit, pro se ac successoribus suis Regibus Galliæ fpondet & promittit, idque per Illustrissimum & Excellentissimum Dominum Antonium de Lumbres, Legatum suum plenariis mandatis ad hanc Guarantiam cavendam instructum, se Executionem horum pactorum, Eorumque observationem ac perpetuitatem inter Eosdem supramemoratos Principes omni meliori, qvò fieri potest, modo, etiam B armis,

198
armis, ubi amicabilia media non processerint, asserturam; Et si quis eorum sub hac fidejussione comprehensorum illa violarit, arma viresque suas Parti Læsæ ad Ejus requisitionem junceturam.

Quod ut firmius omnibus constet, promittit dictus Dominus Legatus Gallicus, se Ratificationem Regis sui super hanc Guarantiam eodem tempore, quo Ratihabitationes Pacis commutabuntur, extraditurum. Integrum quoque erit Pacifcentibus omnibus, eandem Christianissimi Regis Guarantiam & Fidejussionem suscipere, & alios quoque in tempore Ratihabitionis ad idem officii genus invitare & denominare Principes & Potestates &c. In quorum omnium & singulorum fidem majusque robur &c. Datum Olivæ die 23. Aprilis (3 Maij) Anno M.DC.LX.

Nec verò horum tantum pacifcentium, sed & omnium in universum Christianorum Principum, quibus publica salus & tranquillitas curæ cordique est, plurimum refert, ortum hoc incendium communi ope quantocvus reprimi; quod ni fiat, ad sustinendam totius humani generis societatem atque concordiam parum supererit spei aut præsidii; Remotâ quippe juris & æqui ratione, sublatâque pætorum solennium fide, quid aliud quam omnium inter se gentium perpetua bella, & promiscua existent latrocinia? Gravem certe rationem reddituri sunt DEO horum motuum autores de damnis per injuriam datis, & ad hu-

129.

ad humanum sanguinem temerè fundendum præbitâ an-
sâ. Extra dubium est, si belli causa iusta sit, etiam si bel-
lum solenni modo suscepimus fuerit, iustos esse omnes
actus, qui inde nascuntur, ita ut qui scientes tales actus
operantur, aut ad eos cooperantur, habendi sint in eorum
numero, qui ad regnum Cœlestis fine pænitentia perveni-
re non possunt. Atque ita sentire non Christianos tan-
tum, sed & Judæos & Mahometistas, evincit Grotius de
jure Belli ac pacis, lib. 3. Cap. 10. num. 3. Aut si æternæ
salutis parum eos movet ratio, humanitatem saltem ne-
exuant, ne nimium teras imitando dediscent hominem.
Pro Epilogo optimè hoc quadrat Oratio illa, quâ Justinia-
ni Imperatoris Legati Chosroen Persarum Regem allo-
qvuntur apud Procopium Persecorum Lib. 2. Nisi ad te
præsentem, Rex, hæc haberetur oratio; nunquam putas-
semus Chosroen, Cabadæ filium, cum armis intraturum
in fines Romanos, contemptis primum juramentis jura-
tis, quod inter homines summum firmissimumque credi-
tur veritatis & fidei pignus, ruptis præterea fœderibus,
quæ sola spes relinqvitur iis, qui bellorum mala devitant
& pacatè vivere cupiunt. Quid enim hoc aliud esse dica-
mus, quam hominum vitam in ferarum vitam mutare.
Nam sublatis fœderibus, sequetur, ut omnes inter se æ-
terna gerant bella. Bella autem sine fine hanc vim
habent, ut homines perpetuo teneant naturæ
suæ extores.

IRD Razmatukop